

琴

七絃飛雅操十指瀉松風喚覺浮生夢亭亭
月印空

碁

黑白心難定何曾對面關劫中多路險生死
護雙關

書

惆悵亡周後時儒護檢尋各生仁與智孰到
仲尼心

畫

可愛丹青手無窮三昧功江山多少景都在
寸心中

四言絕句

清

一念不起萬緣何生虛無浩浩月白風清

靜

外境不侵內神自定一點靈光瑩然自靜

道

無為理深尋之越奧信手拈來是名曰道

德

德亦無形物無不有物既合榮是為真德

行

法界雖弘歷之可越足步清風手携皓月

住

動則難言靜亦無說動靜兩忘中間且歇

坐

心滅寒及身忘土塊默默冥冥光輝三界

臥

清靜家風希夷妙訣放開四大萬緣齊滅

六言詩

春曉羣花半開逍遙石上徘徊獨攜王律金

訣閑踏青莎碧苔古洞眠十九載流霞飲幾

千杯逢人莫話人事笑指白雲去來

落魄歌

落魄且落魄夜宿鄉村朝遊城郭閑來無事

翫青山閣即街市貨丹藥賣得錢不算度活

美酒自斟酌醉後吟哦動鬼神任意日頭向

西路

純陽真人渾成集卷上

純陽真人渾成集卷下

七言律詩

景

功滿來來濟會難又聞東去杏仙壇杖頭春

色一壺酒頂上雲攢五嶽冠飲海龜兒人不

識燒山符子鬼難看先生去後身須老乞與

貧儒換骨丹

金丹一粒定長生須得真鉛鍊甲庚火取南

方赤鳳髓水求北海黑龜精鼎隨四季中央

合藥逢三元八卦行齊戒興功成九轉定知

入口鬼神驚

碧潭深處一真人貌似桃花體似銀鬚髮不

斑綠有術紅顏不老為通神蓬萊要去如今

去架上黃衣化作雲任使桑田變成海一丸

丹藥定千春

爐養丹砂鬚不斑豈干名利住人間已逢至

士傳神藥又喜同流動笑顏老子道親分付

得少微星許共相攀幸蒙上士甘撈撫處世

輸君一箇閑

誰為長生俟我哉鍊成真氣在仙胎盡知白

日昇天去剛逐紅塵下世來白虎行時傾兩

露赤龍耕處是瓊瑰只吞一粒丹砂藥飛入
青雲更不廻

亂雲堆裏表星都認得深藏一丈夫綠酒醉
眠閑日月白蘋風定釣江湖長將氣度合天
道不把言詞問世塗山水路遙人不到茅苕
消息近知無

鶴為車騎酒為糧為戀長生不死鄉地脉尚
猶縮得短人生豈不使教長簪中往往星辰
現懷下時時日月藏時流若嬰親相見朝朝
不離水銀行

靈芝無種亦無根解飲能餐自返魂但得煙
霞供歲月任他烏兔走乾坤嬰兒只戀陽中
母姮女須朝頂上尊一得不廻千古內更無
塚墓示兒孫

世上何人會此言休將名利掛心田等閑倒
盡十分酒遇興高吟一百篇物外煙霞為伴
侶堂中日月從嬋娟他時功滿歸何處直駕
雲車入洞天

玄門帝子坐中央得壽明長感玉皇天下山
河和雨露袖中日月混瀟湘坎男廻聘全家

女離女交勝嫁木郎真箇夫妻能守志立教
牽惹在陰陽

凡骨退來知幾載碧峯高臥餌玄霜青山古
雪圍松榻仙掌寒雲鍊石房貝闕每攀瓊藥
嫩蟾宮時折桂花香爛然翠錦曾相啓許我
同遊五帝鄉

遙指高峯嘯一聲紅霞紫霧面前生每於鄜
市無人識長到山中有鶴迎杖弄玉蟾驅鬼
魅夜煎金鼎煮星辰他時若赴蓬萊洞知我
仙家有姓名

堪笑時人問我家秋檐雲袖惹煙霞眉藏火
電非他說手種金蓮不自誇三尺焦桐為活
業一壺春酒是生涯騎龍遠出遊三島夜後
無人說月華

九曲江邊坐臥看一條長路入天端慶雲捧
擁朝赤子瑞氣徘徊處白煙鉛汞此時為至
藥坎離今日結成丹功能濟命無衰老只在
人心不是難

修修修得到乾乾方號人間一醉仙世上光
陰催短景洞中花木任長年形飛峭壁知龍

骨神在玄宮別有天唯願先生顏一顧更休
玄外問玄玄

玄門玄理又玄玄不死根元在汞鉛知是一
般真箇術調和六一也同天玉京山下羊兒
聞金水河中石虎眠要妙能生真本體精勤
到處自如然

公卿雖貴不曾酬說著仙家便去遊為挹石
肝逢蜃海因尋甜雪到瀛洲山川醉後壺中
放神鬼閑來匣裏收據見目前無箇識不如
杯酒混凡流

曾朝元始訪仙家恣上崑崙嘔月華玉女搏
攏蒼髯豸山童提揆白蝦蟇時斟海內千年
酒慣摘壺中四序花今在人寰人不識看看
揮袖入煙霞

火種丹田金自生重重樓閣甚分明三千功
行百旬日萬里蓬萊一日程形化陰司無鬼
簿玉都長是有仙名今晨得赴瑤池會九節
幢幡洞裏迎

因看崔公入藥鏡令人心地轉分明陽龍言
向離宮出陰虎運於坎上生二物會時為道

本五方行盡得丹名修其上士如知此定跨赤龍歸玉京

浮生不實為輕忽衲服身藏奇異骨是非了達世間人為能物外通無物共語凡兮情兀兀獨自行兮輕拂拂一燕刀圭五彩分飛丹

走入神仙窟

莫怪愛吟天上詩蓋緣吟得世間稀慣餐王母洞中飯曾著蓬萊洞裏衣馬踏日輪紅霧捲鳳銜月角碧雲飛何時再控青絲轡又掉金鞭入紫微

黃芽白雪兩飛金行即高歌醉即吟日月暗扶君甲子乾坤自與我知音精靈滅跡三清劍風雨騰空一弄琴的當南遊歸甚處莫教鶴去上天尋

春來遊蕩到仙家戶列殊常二月花甲子盡推君行業庚申得遂不須誇各有清靈天外性肯忘渾濁棄騰夸十日功夫如會得萬年歸去入煙霞

雲鬢雙明骨更輕自言尋鶴到蓬瀛日論草藥皆知味問著神仙盡得名冷夜青龍穿碧

洞枕寒高臥白銀城來春又擬攜筇去為憶軒轅海上行

龍精龜眼兩相和丈六童男不奈何九盞水中煎赤子一輪火內養黃芽月圓自解離天網功滿方知出地羅半醉好吞鸞鳳髓勸君休更認彌陀

強居此景絕知音野景雖多不合吟詩句若喧卿相耳姓名還動帝王心道無腰帶獨慵臥花竹皮冠尚懶簪除此更無餘箇事一壺村酒一張琴

華陽山裏多芝田華陽山更復延年青松岫畔高柯下白雲堆裏飲飛泉不寒不熱神蕩蕩東來西去氣綿綿三千功滿好歸去休與時人說洞天

天生不散自然心成敗從來古與今得路應知皆出世迷徒終是枉埋沈身邊至藥須攻鍊物外丹砂且細尋咫尺洞房仙景在莫隨波浪沒光陰

自隱玄都不記春幾因滄海變成塵玉京殿裏朝元始金闕宮中拜老君問即駕乘千歲

鶴閑來高臥九天雲我今學得長生法未肯傳留與世人

北帝南辰掌內看潛通造化暗相傳金鈿袖裏居元宅玉戶星宮降上玄舉世盡皆尋此道誰人空裏得玄關明明道在堪消息日月

灘頭去又還日影光中合自然奔雷走電入中原長騎赤馬居東殿大啓朱門淨碧泉怒拔昆吾歌聖化喜陪孤月賀新年方知却是神仙物得在仁人始授傳

六龍齊賀得昇乾頭角潛通造化權真道每吟秋月淡至言長運碧波寒畫乘白鹿遊蓬島夜頂金冠立古壇一載已成千歲藥誰人將袖添塵案

五嶽灘頭景象新仁人方達者冥身天歌運道三元靜地脉通來萬物生且曉谷神修此道罷論理性欲尋真明明說向中黃路霹靂聲中自得神

欲陪仙侶得身輕飛過蓬萊徹上清朱頂鶴來雲外接紫鱗魚向海中迎姮娥嫩桂花先

吐王母仙桃于漸成下瞰日輪天欲曉定知人世久長生

四海皆忙一箇閑人人口內說塵緣知君有道來山上何似無名住世間十二樓臺藏秘訣五千言內隱玄關方知鼎貯星辰藥乞取刀圭一粒看

割斷繁華掉却榮便從初得是長生曾於錦水留蟬蛻又到蓬萊別姓名三往往來無否泰一塵塵在世人情不知功滿歸何處直跨蒼龍上玉京

當年詩價滿皇都掉臂西歸是丈夫萬頃白雲獨自有一枝仙桂阿誰無等閒謂曲漁翁引醉上蓮峯道士扶他日與君重際會竹溪茅舍夜相呼

金鑊灼灼舞天堦獨自騎龍去又來高臥白雲觀日窟閑眠秋月學天開離花片片乾坤產坎藥翩翩造化栽晚醉九巖回首望北邙山下骨體醜

結交常與道情深日月隨他出又沈若要目通雲外鶴直須志鍊水中金丹成只恐乾坤

窄餓了寧憂疾患侵未去瑤臺猶混世不妨杯酒喜開吟

偶携琴劍下煙蘿何幸今朝喜暫過比相本來皆似可針醫偏更効無多仙經嘗讀三千卷古法曾持十二科些小仙方如不信金塔撒手試看麼

傾倒華陽醉再三騎龍過晚下南岳眉因拍劍流星電衣為眠雲惹碧嵐金液變來成雨露玉都歸去老松杉會將鐵鏡照神鬼霹靂搜尋水滿潭

鐵鏡烹金火滿空碧潭龍臥夕陽中麒麟意合乾坤地獅多機關日月東三尺劍橫雙水岸五丁冠頂百神官開鋪羽翠拘神窟自著金蓮造化功

隨緣信業任浮沈似水如雲一片心兩卷道經三尺劍一條藜杖七絃琴壺中有藥逢人施腹內新詩遇客吟一嚼黍黍千載壽一丸丹點一斤金

半醉曲前度幾秋騎龍駕鳳水無憂愛王侯宰相全不愛坎離兩件是奇書獨玉蓬萊觀宇

宙抽劍眉問海上遊為見不平心裏事解寬雪恥取人頭

琴劍酒棊龍鶴虎逍遙落魄永無憂關騎白鹿遊三島時駕青牛過十洲碧洞遠觀明月掌青山高隱伴雲頭時人若要還如此名利浮華即便休

紫極宮中我自知精磨神劍劍還飛先差玉子開南殿後遣青龍入北微九鼎黃芽接睡鳳一軀仙骨養靈芝蓬萊不是人安處只怕愚人泄世機

回身方始出埃塵造化功夫只在人早使亢龍拋地網豈知白虎出天真綿綿有路誰留我默默忘言自合神擊劍夜深歸甚處披星帶月斬麒麟

看盡開闢過落花一迴舞劍一吁嗟常憂白日光陰促每恨青天道路賒本志不求名與利元心只慕水兼霞世間萬種浮沈事誰人遠理似余家

日為陳解月吁丹華夏諸侯肉眼看仁義異如胡越異世情難似秦衡難八仙鍊就終成

乃四海磨來照膽寒平却不平千萬萬拍劍
騎龍上九天

別來漲水浸東風醉眼吟情慵不慵轟振乾
坤金劍吼烹煎日月玉鑪封杖送楚甸三千
里鸞壽秦川一萬重為報晉城仙子道丹期

春色會蓮峯

鬆頭血滴眼如鏢吐氣雲生怒世間巨耐不
平千種事須期一訣蕩兇頑蛟龍斬處翻滄
海暴虎除時技遠山為滅無情兼負義劍光
星漆點痕斑

兩雪霏霏天已暮金鍾滿勸撫焦桐詩吟席
上未移刻劍舞筵前疾似風何事行括常午
夜忽然怒目便騰空不知誰是虧忠孝攜曾
人頭入坐中

風霜三尺鬼神愁大袖高冠得自由喜極誇
前歌越曲怒來眉際拔吳鈎自從碧海離三
島不上朱門謁五侯半醉謬然攘臂立問誰
懷抱有寬讎

未鍊還丹且鍊心丹成方覺道源深每留客
有錢沽酒誰信君無藥點金洞裏風雷歸掌

握壺中日月在曾襟神仙事業人難會養性
長生自意吟

鐵牛耕地種金錢刻石童兒把貫穿一粒粟
中藏世界半升鎔內養山川白鬚老子眉垂
地碧眼胡兒手指天若向此中玄會得此玄

玄後更無玄

箕星昂宿下長天凡景寧教不謬然龍出水
來鱗甲就鶴冲天去羽毛全塵中教化千人
眼世上難知爾雅篇自是凡流福命薄忍將
微妙略輕傳

閑來擺臂入天門拂袂徐徐撮絲雲無語下
窺黃谷子破顏平揖紫霞君擬登瑤殿假金
久迴訪瀛洲看日輪恰值姮娥纔宴會瓊漿
新熟味氤氳

曾隨劉阮醉桃源未醒人間欠酒錢一領布
裘權且當九天迴日却歸還鳳毛楔子非為
貴狐白裘裳欲比難只此世間無價寶不然
火裏試燒看

因恐往事知成慙曾讀千文第十三武氏死
時應室女陳王歿後是童男兩輪日月從他

戴九筒江豬一擔擔盡日無人話消息一壺
春酒且醺酣

垂袖騰騰徹世塵胡羞揭却數遊巡利名身
外終非道龍虎門前辨取真不覺夢魂朝紫
府數年蹤跡隱埃塵華陰市內如相見不是

尋常賣藥人

萬卷仙經三尺琴劉安聞說是知音杖頭春
色一壺酒鑪內丹砂不點金幾度醉眠山路
口閑來遊釣銅庭心相逢相遇知多少只恐
冲天沒處尋

曹戰蚩尤王府前六龍高駕振鳴鑿指南車
後隨金鼓阜轟旗傍帶鐵冠醉將黑鬚三鳥
點怒抽霜劍十洲寒軒棘世代橫行後直隱
深巖久覓難

頭髮蒼浪聲似鍾貌如冰雪骨如松匣中寶
劍時時吼袖裏金鍾逞武風會飲酒時為伴
侶能吟詩句便春同年來定赴崑崙宴騎箇
生猱九色龍

神仙戶入黃宮闕將相門開白玉京可使洞
中無好景其餘天下有衆生攜琴獨步閑隨

鶴匣劍輝霞待斬鯨連退兩楹俱未決憑君
與我指前程
世情陰雨疑相孤電閃雷聲振八都長去亂
山添霧密不來平地較爐枯原融春色留聲
振結構秋風雲旆逢弄却三間破草舍隨時
看得幾年無

七言絕句

秋景蕭條葉亂飛庭松影裏坐移時雲迷鶴
駕何方去仙洞朝元失我期
捉得金精作命基日魂東畔月華西於中鍊
取長生藥服了還同天地齊
朝泛浮名暮却還洞中日月我爲天匣中寶
劍時時吼不遇志人誓不傳
劍起星奔萬里誅風雷隨處雨聲轟人頭攜
到語猶在騰步高吟過五湖
先生先生貌偉惡拔劍當宵氣雲錯連喝三
回急急聲欸然空裏人飛落
先生先生莫悠悠道要人傳劍要離今日相
逢於海畔旋追村酒去同遊
虎眉院整惡精神萬里騰空一躡身背上匣

中三尺劍爲天用斬不平人
磨利青風三尺劍袖裏金鉞不亂揮但是儼
人須一報豈教人道不男兒
麤眉卓豎語如雷聞說寬禪便住杯仗劍當
空千里去一更別我二更迴

今朝早起抹漆黑千里報離同頃刻袖中傾
下死人頭口內猶言道得得

南山東畔忽相逢握手丁寧語似鍾劍術已
成君別後有蛟龍處斬蛟龍

天下都遊半日功不銷跨鳳與乘龍偶因博
戲飛神劍推却終南第一峯

朝遊南越暮蒼梧袖裏青蛇膽氣轟三入岳
陽人不識朗吟飛過洞庭湖

學道須教徹骨貧囊中只是五三文有人問
我修行法遠指天邊日月輪

不負三光不負人不欺神道不欺貧有人問
我修行法只種心田養此身

三畝丹田無種種時須得赤龍耕曾將此
子教人種不解修持道不生

不用梯媒向外求還丹只在體中收莫言大

道人難得自是功夫不到頭

飲酒須教一百杯東浮西泛自梯媒日精若

與月華合有箇明珠走上來

閃灼虎龍神物飛好憑身事莫相違傳時須

在乾坤力便徹三清透紫微

混元海底隱生輪內有黃童玉帝君白雪神

符潛媿女靈元鎮在十元君

莫怪瑤池消息稀只緣塵事隔天機若人尋

得水中火有箇玉童上太微

假坐拍手葫蘆舞過嶺穿雲拄杖飛來往八

千消半日金州南畔有松扉

趨倒葫蘆掉却琴到行直上臥牛岑水飛石

上迸如雪立地看天坐地吟

瓶子如金玉子黃上昇下降續神糧三元一

會經年靜這箇天中日月長

肘傳丹篆千年術口誦黃庭兩卷經鶴觀古

壇槐影裏悄無人跡戶長扃

吾家本住在天齊零落白雲鎖石梯蓮鳥海

東逾萬里依舊歸來路不迷

蓮峯道士高且潔不下蓮峯經歲月星辰夜

禮玉簪寒龍虎曉開金鼎熱

我自忘神心自悅跨水穿雲來相謁不問黃

芽肘後方妙道通微怎生說

時人若擬去瀛洲先過魏魏十二樓自有電

雷聲振動一池金水向東流

獨自高山望八都黑雲散後月還孤茫茫宇

宙人無數幾箇男兒是丈夫

火輪些小出神州用力般般使鐵牛赤心般

上崑崙頂誰識運丹號紫遊

精養靈根氣養神此真真外更無具仙人不

肯分明說迷却千千萬萬人

五言律詩

二十四神清三千功行成寒雲連地軸聖日

滿天明王子偏宜種金田豈在耕此中真妙

理誰道不長生

通道復通玄名留四海傳交親一拄杖活計

兩空拳要果遠巡種思杯旋聖鏡豈知來混

世不又却迴天

妙妙妙中妙玄中玄更玄動言俱演道語熟

盡成仙在掌如珠異當空月皎然他時功滿

後直上大羅天

純陽真人渾成集卷下

正一天師清微弟子 洪百堅 製作

道教學術資訊網站

晉真人語錄

早一

先生曰開闢已來至於今日這人沉淪無有
休期此時正遇神仙出世大道將興雖一舉
天民爭奈賢愚不等賢者向道愚者背道向
道而生背道而死心清意靜天堂之路心荒
意亂地獄之門試問諸公上天堂好入地獄
好雖然道之尊德之貴豈為迷愚說哉若非
今世道教興安得使清淨天機漏泄於世間
取聰明上士先生曰人之修行先須識取性
命宗祖然後具以保命修行須存三抱元守
一為初存三者乃是精炁神真三寶也抱元
者抱守元陽真炁守一者守其一靈神也神
者元本在心心屬南方丙丁火心中有性性
屬陽腎者能生元陽真炁炁屬北方壬癸水
水為命命屬陰已上說性命明知下落自古
及今人多不識性命今日顯揚於世先生曰
學道本來有三一者一心在想祇在下丹田
仙洞之內莫放心意散亂抱元陽真炁便是
長生真道本也是出死入生之道是陰陽造
化仙爐也這丹田內澄心定意昏昏默默綿